

Dufi Kock a entrega buki na Ministro



ORANJESTAD (AAN): E siman aki na despacho di Minister di Labor, Cultura y Deporte, a tuma lugar entrega oficial di 2 buki nobo di e autor Arubiano sr. Adolf (Dufi) Kock.

Sr. Kock, conoci pa su buki titula "Guia Con Pa Solicita Pa Un Trabao" awor tin riba mercado dos buki mas pa enrikese nos idioma. Sr. Tino Ruiz di Oficina di Propiedad Intelectual tambe tabata presente y a haci entrega oficial cu e rechonan di Autor (Copyrights) pa e dos bukinan na sr. Kock.

E buki "Fecha y Datonan Historico di Aruba" ta contene informacion historico for di aña 1150 te cu presente. E contribucion

aki ta stimula interes, specialmente di nos hobennan, pa nos herencia cultural historico. Minister Lee a expresa su gratitud como mandatario di cultura na sr. Kock, yamando esaki danki pa su contribucion na documentacion di nos historia.

E otro buki nobo di sr. Kock ta "Historia di un Auto Clasico" di sr. Mirto de Kort, presidente di Classic Car Club Aruba. E ta contene un historia di un auto Chevy Convertible 1964, documentando tur su doñonan y contando un storia interesante cu tin tras di esaki.

Haciendo uzo di e oportunidad, sr. Kock a

entrega dos copia di su buki "Guia Con Pa Solicita Pa Un Trabao". E buki aki, skibi durante 1997, Aña di Papiamento. Minister Lee a acepta esaki y a palabra di entrega uno na

Departamento di Labor pa esaki bira parti di e materialnan di referencia einan pa asina yuda hendenan di Aruba aplica mas efectivo pa trabao. Alavez e Minister a expresa su deseo di por amplia e seccion di Jobfair cu ta duna tayernan pa yuda solicita pa trabao uzando materialnan na papiamento manera e buki di sr. Kock pa asina involvi mas tanto experto posibel den e proceso aki.



TELEFONAN DI DIARIO
582-6747- FAX 582-8551